

## **ZAVRSENO GOSTOVANJE KRAJISNIKA IZ VELIKE Kladuse U AMERICI**

Kao sto sam u prethodnim javljanjima napisao, posljednje odrediste Krajisnika, gostiju iz Velike Kladuse, tokom svog trosedmicnog boravka u Americi je Chicago. Gosti su otputovali u Chicago u popodnevnim satima u cetvrtak 19. juna 2008.godine. Rastanak sa domacinima iz Waterloo-a bio je, doista, dirljiv. Ni gosti ni domacini nisu skrivali suze uz obećanje jednih i drugih da ce se ponovo vidjeti bez obzira bilo to u, zajednickoj, nam domovini ili ponovo, slicnim povodom, u Americi. Iz Waterloo-a gosti su sa sobom ponijeli svoje utiske koji su, nadamo se, povoljni i koje ce, po povratku, podjeliti sa svojim najmilijima i sa svojim sugradjanima. Mi, njihovi domacini bili smo presretni zbog njihovog dolaska i nase mogucnosti da ih ugostimo. U isto vrijeme bili smo i tuzni zbog njihovog odlaska jer smo za ovih dvadesetak dana, njihovog boravka medju nama, naviki na njih kao da su nam najrodjeniji. Takav osjecaj, posebno, nas raduje i izuzetno ga je lijepo dozivjeti. U toku njihovog boravka medju nama na svakom mjestu i na svakom koraku, gdje su oni bili, na poseban nacin, osjecali smo miris rodnog kraja, miris naseg zavicaja i nase voljene Klasuse kao i miris, jednako, drage nam nase Bosne i Hercegovine kojeg su nam oni sa sobom donijeli i koji je snazno zracio iz svakog od njih.

Po dolasku u Cikago goste su preuzeli njihovi domacini. U petak najveći dio dana prosao je u obilasku i razgledanju Cikaga. Prema programu domacina u Cikagu u subotu je odigran nogometni turnir. Na turniru je ucestovalo sest nogometnih ekipa i to: Nogometna reprezentacija grada Velika Kladusa, NK United iz Saint Louis-a, NK Sturlic sastavljena od fudbalera iz nekoliko americkih drzava i gradova, NK Krajisnik iz Waterloo-a, ekipa sredjoskolaca iz Cikaga koji su ustupili svoj stadion za ovaj turnir i domacin NK Zapadna Bosna iz Cikaga. Tokom turnira igrao se veoma dobar i kvalitetan nogomet, a pehari i priznanja najboljima uruceni su na vecernjoj zabavi.

Vecernja zabava odrzana je u izuzetno lijepoj dvorani Hanging Garden koju su domacini ovim povodom iznajmili. U dvorani se okupilo preko pet stotina gostiju. Pored gostiju iz Velike Kladuse prisutni su bili i zamjenik konzula BiH u Chicagu gospodin Marinko Avramovic sa porodicom, gospodin Branko Ilic, predsjednik Nogometnog saveza drzave Illinois i kao specijalni gost, oko deset sati na vece, navratio je i poznati kosarkas, prvotimac, Chicago Bulls-a Joakim Noah, koji se, na zabavi, zadržao oko dva sata. Domacin i voditelj vecernje zabave bio je gospodin Nuriya Skenderovic – Skender vlasnik, urednik i voditelj radija Zapadna Bosna iz Cikaga i clan Organizacionog odbora za docek gostiju iz Velike Kladuse. Nakon uvodnog pozdrava gostima se u ime domacina i obratio gospodin Nijaz Durmic koji je rekao: “ Pozdravljam sve, veceras, prisutne goste, a narocito nase goste iz Velike Kladuse. Vi ste prevalili dug put da bi ucestvovali u ovom programu i da bi ucvrstili temelje mosta na saradnji izmedju domovine i dijaspore. Nadam se da ce te po povratku kuci preneti vase utiske iz Amerike, te da ce u nasoj buducoj suradnji doći do realizacije daleko vecih i krupnijih projekata”. Nakon toga prisutnima se, putem audio snimka, obratio općinski nacelnik Velike Kladuse gospodin

Admil Mulalic sa osnovnom porukom da dijaspora u Americi nikad nije i da nikad neće biti zaboravljena u domovini. U svom kratkom obraćanju zamjenik konzula BiH u Chicagu-u, gospodin Marinko Avramovic je između ostalog rekao: “Dragi prijatelji, pricinjava mi veliko zadovoljstvo da vas pozdravim u ime konzulata BiH u Chicagu. Rijetka je prilika da imamo mogućnost u gostima imati ovako brojnu delegaciju. Izuzetno je prijatno gledati ovoliku mladost i ovakvu razdraganost, što me posebno čini sretnim. Ova godina je i godina izbora u BiH što je dodatna mogućnost da se u BiH naprave novi značajni i pozitivni pomaci. Srećom BiH je na putu značajnog oporavka. Prije dva dana potpisan je Sporazum o saradnji i pridruživanju sa Evropskom unijom. Sa ovim potpisom i odnosi unutar BiH će se promijeniti na bolje, a samim tim i odnosi prema dijaspori će biti bolji. Ovakvi susreti, za sve nas, su dobra prilika da se podsjetimo i nezaboravimo ko smo, šta smo i odakle dolazimo. Pozivam vas sviju da uzmete što veće učesce na skoršnjim lokalnim izborima koji se uskoro održavaju u domovini i da i vi doprinesete tome da izaberemo one koji će biti sposobni i koji će znati voditi našu državu u pravcu korisnom za sve nas. Nadam se da će u tim promjenama i Velika Kladusa biti ponovo velika ne samo po imenu nego i velika po svom značaju kao što je to i nekad bila”. Zadnji govornik bio je gospodin Senad Šehić – Faso, vođa delegacije iz Velike Kladuse, koji je rekao:

“Zahvaljujem se na ovom izuzetnom dočeku svim domaćinima u Waterloo-u, Des Moines-u i Chicagu-u. Bilo nam je zaista lijepo među vama. Na svakom koraku nailazili smo na srdačno gostoprimstvo. Obradovani smo sa svim vašim dostignućima za ovo kratko vrijeme vašeg boravka u Americi. Hvala, još jednom, svima onima koji su uzeli učesca u organizaciji našeg dolaska. Ipak, moram to reći, nazašlužniji za naš dolazak pored načelnika Admila Mulalica su naši zemljaci iz Waterloo-a, na čiji poziv smo i došli, a od pojedinaca za naš dolazak najzašlužniji su gospodja Zulfeta Rizvić i gospodin Bajro Dizdarević”. Ovoj konstataciji gospodina Šehića želim da dodam da su Krajišnici u Waterloo-u koji su okupljeni oko NK Krajišnik i KUD Kolo, zaista, učinili i uradili najviše na organizaciji dolaska, prevoza i smještaja gostiju. Pored svih ostalih troškova plaćena je i jedna trećina svih avionskih karata.

U nastavku večernje zabave najuspješnijim ekipama i pojedincima sa nogometnog turnira, uručeni su pehari i priznanja. Inače turnir je bio i memorijalnog karaktera i odigran je u znak na sjećanje, prerano, umrlog igrača NK Zapadna Bosna Ibrahima – Baje Dervisevića. Nakon kvalitetnih i fer odigranih utakmica najbolji su bili: treće mjesto osvojili su gosti iz domovine ekipa Nogometne reprezentacije grada Velika Kladusa, druga je bila ekipa NK Krajišnik iz Waterloo-a, a pobjednik turnira bila je domaća ekipa NK Zapadna Bosna iz Chicaga. U pojedinačnoj konkurenciji najbolji golman bio je Ian Pickett iz NK Zapadna Bosna, najuspješniji strijelac bio je Ajdinović Enis iz NK Reprezentacija grada Velika Kladusa a najbolji igrač na turniru bio je Šabić Edin iz NK Krajišnik iz Waterloo-a. Nakon dodjeljenih pehara i priznanja članovi KUD Tono Hrovat i KUD Kolo svojim folklornim izvedbama i igrama podigli su na noge sve prisutne. Dramska sekcija i ženska pjevačka grupa, izvornih pjesama svojim nastupom, barem u mislima, one starije je vratila u doba njihove mladosti. Preostali dio večernje zabave, svojim nastupom, popunili su Fiko Rizvić i Kimi. Druženje je nastavljeno do kasno u noć. U nedelju gosti iz zavičaja i domaćini iz Chicaga nastavili su druženje na prelijepom jezeru Michigan, a navečer je za goste priredjeno oprostajno veče.

U ponedjeljak 23. juna 2008. godine, nakon boravka u Americi od tri sedmice sa Chicago aerodroma O'Hara, gosti su, sretno, odletjeli kuci. Dok završavam ove redove imam informaciju da su svi gosti sretno i zdravo doputovali kuci i svojim najdražim. Siguran sam da ce se utisci sa putovanja po Americi jos dugo sredjivati i prepicavati. Moguce je da ce se neko odluciti da svoje utiske i javno obznani sto bi nas, sa ove strane Atlantika, posebno radovalo. Mi smo se trudili, najbolje sto smo mogli, da nasi gosti budu zadovoljni i da ih ugostimo sto je bilo moguce bolje. Ako smo nesto i propustili, nemojte nam zamjeriti. Vrijeme provedeno sa vama bilo nam je nesto najljepse sto nam se dogodilo od naseg dolaska u Ameriku. Siguran sam da i jedni i drugi zivimo za dan kada cemo ponovo biti zajedno bez obzira gdje u nasoj dragoj domovini ili ponovo, kod nas, u Americi.